



Gerardus ex illustri familia comitum à Hoyen
 natus fuit. Itaque à parentibus studijs & lite-
 ris addicatus in uirum clarissimum euasit. Vnde in
 tricesimumtertium præfulem electus fuit. Erat is
 princeps pacificus, multis uirtutibus ornatus, atq;
 ad res Ecclesiæ tractandas aptissimus. omnibus e-
 rat mitis & benignus, atq; nullum à se indonatum
 dimittebat. Nemo etiam afflictorum ipsum acce-
 debat, quin lætior ab eo discederet. Vnde ab omni-
 bus instar patris habebatur. Quanquam autem is
 talis esset, tamen Ziselbertus Premensis antistes e-
 ius ditionem & urbem inuasit, atque multis cladi-
 bus affecit. Id quod ipse patiēter tulit, atque Deum
 huius causæ iudicem constituit. Verùm ob suos subditos mœrore confectus,
 anno sui officij decimosexto, atque humanæ salutis millesimo ducentesimo
 septuagesimo mortuus est. Anon.